
Учкўприк туманида фахрий устоз ва мураббийларга эҳтиром кўрсатилди

9 май – Хотира ва қадрлаш куни олдидан Учкўприк тумани мактаб ва мактабгача таълим бўлими тасарруфидаги умумтаълим мактабларида ва мактабгача таълим ташкилотларида самарали фаолият олиб борган, айтилиб вақтда фахрийлик гаштини сураётган устоз ва мураббийларга эҳтиром кўрсатилди.

“Водий” тантаналар мажмуасида тўкин дастурхон атрофида ташкилланган тадбирда таълим ва фан ходимлари касба уюшмаси туман бўлими аъзолари, фахрий устозлар, ҳамкор ташкилотлар ҳамда жамоатчилик вакиллари қатнашди.

Тадбир аввалида инсон камолоти, унинг билими бўлиб вояга етиши, қалбида одамийлик, меҳр-оқибат сингари юксак инсоний туйғуларнинг шаклланиши, бир сўз билан айтганда, жамиятда, ҳаётда ўз ўрнини топиб яшашида таълим соҳаси фидойилари – устоз, мураббийларнинг ўрни ва роли ниҳоятда катта эканлиги, улар ҳар қанча қадр ва эътиборга муносиблиги алоҳида таъкидланди.

Тадбир давомида тизимда ёшларга таълим-тарбия беришдаги самарали фаолияти ва фидойилиги билан ҳамкасбларига ҳар томонлама ўрнатилган устоз-мураббийларга туман ҳокимлиги, мактаб ва мактабгача таълим бўлими, туман касба уюшмасининг эсдалик совғалари топширилди.

Тадбир иштирокчиларига эл ардоғидаги санъаткорлар ва иқтидорли ёшларнинг куй-қўшиқлари хуш кайфият улашди.

2023-05-10 17:19:33